

# Ա Ղ Բ Ի Ի Ր

ՄԻԱՄՍԵԱՅ ՊԱՏԿԵՐԱԶԱՐԴ ՀՐԱՏԱՐԱԿՈՒԹԻՒՆ

Ե Ր Ե Խ Ա Ն Ե Ր Բ

ԵՒ

ԴԱՍՏԻԱՐԱԿՆԵՐԻ ՀԱՄԱՐ

---

ՉՈՐՐՈՐԴ ՏԱՐԻ

---

№ 4

ԱՊՐԻԼ

Թ Ի Յ Լ Ի Զ

ՅՈՎՀԱՆՆԵՍ ՄԱՐՏԻՐՈՍԵԱՆՅԻ ՏՊԱՐԱՆ

ՕՐԲԵԼԵԱՆ ՓՈՂՈՑ, ՆՁ 1 | 2

1886



ՀԱՅ ՄԱՆՈՒԿՆԵՐԻՆ

## ՇՆՈՐՀԱՆՈՐ ՄՈՒՐԻ ԶԱՏԻԿ



Տա՛ Ջատիկ  
Բերաւ բարիք,  
Համով խորված,  
Ենոյշ հացիկ,  
Շնորհաւոր ձեզ, ո՛վ  
որդիք:

Հաւանոցում՝

Հաւք ՚ի ցնծում,  
Ընծայ բերին  
Մանուկներին  
Շնորհաւոր հակիթ կլորիկ:

Ծրնողք առան  
Հաւի ընծան,  
Կարմրացրին  
Ու տօնեցին  
Հնորհաւոր սուրբըն Ջատիկ:

Կարմիրն ազնիւ  
Ջատկին առթիւ  
Համեստ գոյն է  
Սուրբ արիւնիւ,  
Որ մեզ Հնորհս ցօղէ հեզիկ:

Դուք էլ որդիք,  
Թէ հեզ լինիք,  
Ուսեալ, համեստ,  
Եռաբինիք,  
Վարդի գոյնով պէտք է կարմրիք:

ՊԵՏՐՈՍ Հ. ԱԴԱՄԵԱՆ





## ԳԱՐՆԱՆ ՄԵԾ ՏՕՆԵՐԸ

(Յիշողութիւններ վաղուց անցած զնացածից):



աղկազարդը մի շատ ուրախ  
կիրակի է, մանաւանդ երե-  
խաների համար: Նորանով  
է սկսվում զարնանային  
մեծ տօները մի շարքը. նա է  
բերում փոքրիկներին համար շատ  
թանկագին զուարճութիւններ:

Գեռ շաբաթ երեկոյեան ես անհամբեր սպասում էի  
հօրս տուն գալուն: Նա պիտի բերէր ինձ համար նոր  
կօշիկներ՝ վաղ առաւօտեան եկեղեցի գնալու համար ու  
բացի դրանից և մի բան, որը ամենից շատ էր հետաքրքր-  
ում ինձ: Ամբողջ օրը ես նախանձելով տեսել էի թէ  
ինչպէս իմ ընկերներն ուրախ ուրախ վաղվզելով ճռճու-  
ցնում էին փոքրիկ ճռռանները: Կարծես նրանք խօսք  
էին տուել, որ այդ օրը ինձ լաւ տանջեն: Հէնց որ մօ-  
տենում էի մէկին, խնդրելով ցոյց տալ ճռռանը, որպէս-  
զի գոնէ տեսնեմ նրա բարակ լեզուակը, ատամնաւոր

Թօփր, նա քթիս առաջ պտոյտ էր տալիս այդ աղմկաշատ գործիքը և իսկոյն լետ փախչում, Հեռու կանգնում ու ուշադրութիւնով սկսում էր զննել ճռւանի բոլոր մասերը: Ես մնում էի գլխիկոր կանգնած, քիչ էր մնում որ լաց լինէի: Մտնում էի տուն, բայց չէի կարողանում մի ժամ Հանդարտ նստել. Հէնց որ ականջիս էր Հասնում խմբովին ճռուցը, մոռանում էի ամեն ինչ: Գուրս էի վազում և էլի նոյն կերպով Հեռուից մտիկ էի տալիս ընկերներին:

Մի կերպ այդ օրը մթնացրի: Հօրս գալու ժամանակն էր. նրան սպասում էի մեր տան դռների մօտ: Վերջապէս լսեցի նրա քայլերը, վազեցի գնացի առաջը և սկսեցի Հետաքրքրութիւնով տնտղել թէ ինչ ունի ձեռքին: Բայց նա ոչինչ չէր ասում, նայում էր ինձ և ժպտում: Որքան սառնասիրտ էր Հայրս. միթէ չգիտէր թէ ինչպէս էի օրը մթնացրել: Նա էլ կարծես ուզում է ինձ պատժել: Հարցնում եմ թէ բերել ես ճռւանս. Հարցնում եմ երկու անգամ, երեք անգամ, բայց նա շարունակ ժպտում է: Պնդասիրտ Հայրիկ: Նա մտնում է տուն, նստում է օթեակի վրայ. ոչինչ, ոչինչ չի բերել... կատարեալ յուսահատութիւն: Ես կանգնած եմ մի անկիւնում և յօնքերս կիտած՝ աչքիս տակով շարունակ նայում եմ նրան. սիրտս եռ է գալիս. ես վճռել եմ երկար լաց լինել, եթէ նրա բերանից «չէ» դուրս գայ: Տէր Աստուած, երբ պիտի խօսէ...

Մայրս, որ ամբողջ օրը յուսադրել էր ինձ, Հասկանում էր ցաւ. նա յայտնեց Հօրս որ այլևս ինձ չնեղացնէ. եթէ մի բան բերել է, դուրս Հանէ:

— Թող սովորի Համբերող լինել, ասաց նա վերջապէս և ձեռքը տարաւ դէպի գրպանը: Միրելի՛ Հայրիկ: Նա դուրս բերեց ճռւանը և ծիծաղելով մեկնեց դէպի ինձ: Մի ակնթարթում դուրս թռայ միտին անկիւնից, լսեցի սիրածս առարկան:

Ծաղկազարդի շաքաթ օրը կարծես նոր լուսացաւ ինձ  
Համար: Ձեռս առայ կոթը և որքան ոյժուժս կար, սկսեցի  
պտրտել: Ձայնը լաւ էր, շատ լաւ. ախ, եթէ այդ բոպէին  
դուրս գային ընկերներս... Բայց հայրս հրամայեց լուել.  
նոյնը կրկնեց և մայրս, աւելացնելով թէ բունի մէջ հանգ-  
չող հաւերը լսում են ձայնը և այլևս ձու չեն ածիլ: Ես  
կատարեցի նրանց հրամանը. սկսեցի լուռ տնտղել ճռռանիս  
ամեն կողմերը. շատ ճարտարարուեստ շինութիւն չէր, բայց  
որքան բարձր ձայն էր հանում: Այնքան գերել էր ինձ այդ  
խաղալիկը, որ մինչև անգամ չէի նկատել, թէ ինչ էր  
անում հայրս. իսկ նա վաղուց հանել էր ոչ միայն նոր  
կօշիկներս, այլև իմ նոր արխալուղացուն, որ մի խայ-  
տաբղէտ չիթ էր: Երբ տեսայ և այդ իրերը, էլ ոչինչ  
ցանկութիւն չմնաց իմ մէջ, բայց միայն թռչել այդ  
բոպէին ընկերներիս մօտ, ցոյց տալ և տեսնել նրանց  
գէմքերը:

Վերջապէս մենք քնեցինք. պէտք էր առաւօտը  
շուտ վեր կենալ եկեղեցի գնալու Համար: Բայց ինչպէս  
բաժանուել ճռռանից: Ես նրան դրի ծոցումս: Երագումս էլ  
տեսայ նրան և բաւական ժամանակ ճռռացրի: Այդ քաղցր  
երազը գեռ չէր վերջացել, երբ մայրս զարթեցրեց ինձ,  
ասելով թէ օրը բացուել է:

Եկեղեցու մէջ այրվում էին հարիւրաւոր ճրագներ. ես  
գօռով ճանապարհ բացի մարդկանց միջով և մի անկիւ-  
նում կուչ եկայ. ձեռքս շարունակ գրպանումս էր՝ ճռռ-  
ռանիս լեզուակի վրայ: Երբ «փառք ՚ի բարձունս» սկսեցին,  
իսկոյն դուրս հանեցինք և սկսեցինք ճռռացնել. ես լաւ  
գիտէի, որ իմս ամենից լաւ էր ձայն հանում...



րկու օրից յետոյ չորեքշաբթի էր: Մայրս լողացրեց ինձ, գլուխս սանդրեց, հագցրաւ նոր արխալուղս: Առռանի ժամանակն անցել էր, այլևս դիւր չէր գալիս մեզ. նրա փոխարէն կար մի ուրիշ ուրախութիւն. մենք պիտի գնայինք մի սուրբի տակ, որ գտնվում է Զուշի քաղաքի մի ծայրում ու կոչվում է Քամու խաչ:

Մի մեծ բազմութիւն կար այնտեղ: Մարդ ու տղայ, կնիկ ու աղջիկ խառնուած էին միմեանց հետ. միմեանց հրում էին, ամեն մէկն աշխատում էր առաջ անցնել և ամենից շուտ վառել իր մոմը և կպցնել սպիտակ քարին: Ես էլ մօտեցայ մօրս հետ: Սպիտակ քարի վրայ մէկը դրել էր թարմ կապուտաչեայ մանիշակներէ մի փոքրիկ փունջ: Գարնան փութահասիկ կարապետները՝ այդ համեստ ծաղիկները, կարծես ասում էին, թէ իրանք էլ շատ ուրախ են, որ կարողանում են մարդկանց ուրախալի ժրպիտը գրգռել: Իսկ վերևից լուսաւորում է ապրիլի հեղիկ արեգակը: Նա էլ կարծես ժպտում է, ուզում է ցոյց տալ որ թէև հինգ ամսուայ միջոցում յաղթուած էր սպիտակազգեստ ձերուկից, բայց մըքանի օրուայ մէջ իրանն արաւ՝ թաց գետինը չորացրեց, մարդկանց տաքացրեց, թռչուններին հանեց ծառերի կատարները, որ այնտեղ գժուածի պէս ճղվղան:

Ուխտի ժամանակ հանդիպեց հօրաքոյրս, որ բերել էր և իր փոքրիկ աղջիկը: Բաւական չէր, որ երեսիցս միքանի անգամ պինդ համբուրեց, նա վեր առաւ ինձ և տարաւ իրանց տուն, ուր մնացի մինչև միւս օրուայ իրիգնապահը. գնացինք եկեղեցի և մի մի փոքրիկ փաթեթ կարագ իւղ ստացանք: Ես վազեցի տուն, գրկեցի մօրս և



իւղը դրի նրա ձեռքում. նա նախ իր աչքերն օծեց, ապա իմ ամբողջ երեսն ու մագերը:

— Օրհնած իւղ է, գորաւոր է, ասաց նա:

Նոյն երեկոյեան Հայրս ու մայրս գնացին եկեղեցի. ինձ մօտ մնաց մեր Հարեւանի աղջիկ Մարթան, որ ինձանից չորս տարով մեծ էր: Երկար խօսեցինք, ծիծաղեցինք և յետոյ վերցրինք այն մեծ ու խոր գաւաթը, որի մէջ մայրս պահում էր մեր Հաւերի ձուաները: Համրեցինք երկու անգամ: Հինգ տասը և վեց Հատ ձու էին ածել մեր Հաւերը: Մի օրից յետոյ դրանք բոլորը պէտք է կարմրէին: Ե՞րբ պէտք է լուսանայ այդ օրը:




ուաւօտեան մայրս չթողեց որ գրլուխս սանդրեմ:

— Այսօր ոչ սանդրի ձեռք կրտան, ոչ սապնի, ոչ ասղի, ասաց նա.— այսօր չարչարուել է մեր Քրիստոսը. անիծուած օր է:

Իրաւ ուրբաթ օրը ոչ ոք չէր բանում. միայն մեր Հարեւան դարբինը կէսօրից մօտ միքանի անգամ թրխթրխկացրեց իր մեծ սալի վրայ: Ճաշից յետոյ մայրս մի փոքրիկ պողպատէ մատանի դրեց մատս և ասաց որ այդ օրը շինած պողպատէ մատանին չարիքից կրպակպանէ: Մի այդ տեսակ մատանի էլ նա ունէր իր մատի վրայ:

Երեկոյին էլի գնացինք եկեղեցի: Ո՛րքան տխուր էր այդտեղ: Սև վարագոյր, միքանի Հատ մօմ, մի սև սեղան, որ դրած էր բեմի առաջ, ծածկած սև թաւիշով և

նրա վրայ սև շրջանակների մէջ դրած մի մեծ պատկեր-  
ամեն ինչ սև էր. քահանաների շուրջառներն էլ սև էին:  
Ոչ ոք ձայն ու ծպուտ չէր հանում: Մայրս հասկացրեց,  
որ այսօր սգի օր է, պէտք է խելօք մնալ: Փամից յետոյ  
նա տարաւ ինձ մեծ սև պատկերի առաջ. ես համբուրեցի  
մեծ խաչը և յետ դարձայ:



եռ մինչև եկեղեցի գնալը երկինքը սկսել  
էր պղտորուիլ. ճրագվառոցին ամպերը բո-  
լորովին ծածկեցին կապոյտ կամարը. մին-  
չև անգամ միքանի կաթիլ անձրև էլ  
եկաւ:

«ԳԷՀ, վերջացաւ», ասացին ամենքը  
դժգոհութեամբ: Եօթը երկար շաբաթներ սպասել էինք,  
որ այս մի երկու օրն ուրախանանք: Մենք էլի ու-  
րախ կրլինինք, բայց անձրևը, և մանաւանդ ցեխը պիտի  
արգելէին տանից դուրս գնալ. իսկ չորս հինգ ամիս շա-  
բունակ մենք փորձել էինք, թէ ի՞նչ տխուր բան է տանը  
նստելը: Ես անհամբեր ականջ էի դնում, թէ երբ կընդ-  
հատուի անձրևն մեզմ խշշոցը: Քայց երկար չկարողացայ.  
այնքան այդ միքանի օրերը վազվզել էի, որ նստած տեղս  
քնեցի. չեմ յիշում թէ ինչպէս էին դրել անկողնիս մէջ:

Առաւօտեան զարթնելուս պէս նայեցի պատուհանին.  
երկինքը բոլորովին պարզ էր, հեղասաՀ արեգակը բաւա-  
կան բարձրացել էր: Ուրախ-ուրախ վեր կացայ, հաղնուե-  
ցայ որ դուրս գնամ: Խոհանոցում մայրս սաստիկ դը-  
ղուած էր. երբ մտայ այնտեղ, երկար տախտակի վրայ  
շարուած էին կարմիր գնդակներ:

«Կարմիր ձու, կարմիր ձու», գոչեցի ես Համարեա պարելով: Մայրս երկու հատ տուեց ինձ, պատուիրելով, որ պահեմ մինչև իրիկունը:

Ես վազեցի մեր տան մօտ գտնուող մեր փողոցը: Զարմանքից ձեռքերս տարածեցի և միքանի ընկալեի մնացի սառած: Սշխարհը կարծես ուրիշ տեսակ էր դառել. փողոցը բոլորովին սևացել էր. մարդկանց խմբեր չես ու առաջ էին գնում, խօսում էին բարձրաձայն, ծիծաղում էին. որը ձուկ էր տանում, որը իւղ, որը թաշկինակի մէջ բրինձ կամ միրգ: Երբեմն-երբեմն երևում էին փոքրիկ գիսակաւոր, խարտեաշ, կապուտակ գառնուկներ. այնքան փոքր էին. նրանք մայրում էին անուշ մանկական ձայնով: «Ջան, ջան», ասում էինք ամենքս և վազում, ձեռքներս դնում էինք նրանց փափուկ մէջքերին, կամ բռնում էինք փոքրիկ գնչերից. իսկ նրանք «մա-մա» անելով վազում էին իրանց տէրերի առջևից: Եւ մարդկանց ձայները, և գառների մայրերը, երեխաների խաղերը, օդը, արևը, այդ ամենը ցոյց էր տալիս, որ մի ուրախութիւն կայ, մի մեծ տօն, որին երկար սպասել են ամենքը:



Ես օրից չեսոյ մեր հարևան Ծաղիկ տատը կանչեց ինձ ու միքանի ընկերներիս և ցոյց տուեց իրանց Համար գիւղից եկած թուխ գառը. չեսոյ իր թոռը Սարգսին էլ մեզ հետ գրեց և պատուիրեց որ գառը զգուշութիւնով տանենք արածացնենք:

Մեզանից հեռու չէր կանաչազարդ դաշտը. շուտով հասանք այնտեղ ոստոստալով, թուչկոտելով: Մենք գտանք այդտեղ ուրիշ շատ գառնուկներ և երե-

խաներ: Կանանց խոտի վրայ խաղ սկսեցինք. բաւական տանջեցինք փոքրիկ հեզ կենդանիներին: Այդպիսով չէինք նկատել, որ արեգակը մայրմտնելու վրայ է: Նս վազեցի տուն, մայրս իսկոյն եկեղեցի դրկեց. ինքը շատ զբաղուած էր. ձուկն էր եփում, փլաւի բրինձն էր թրջում, իւղ էր հալում...

Եկեղեցի մտնել չկարողացայ՝ տեղ բոլորովին չկար. կանգնեցի շէմքի մօտ և բերանաբաց նայում էի ներսին. կարծես եկեղեցում արև էր ծագել, այնքան շատ մոմեր էին վառել: Խնչպէս անուշ ձայն էին տալիս աշակերտները, ինչպէս բոլորը ուրախացան, երբ մեզանից մի բարակ ձայն «Քրիստոս յարեաւ» ասաց: Հէնց որ մի քիչ նշխարք ստացայ, վազեցի տուն: Կէս ժամից յետոյ սեղան նստեցինք. սկսուեց ամենից մեծ, ամենից փառաւոր տօնը, սկսուեց Հայոց Զատիկը: Մուլթն սկսելուց յետոյ այտեղից այնտեղից սկսեցին հրացաններ արձակել: Այդպիսի ճարձատիւն լսել էինք և բարեկենդանի վերջին կիրակի երեկոյին. այնժամանակ ուտիքն էին հալածում, իսկ այժմ պար: «Ամեն բան իր ժամանակին», կարծես ասում էին այդ հրացանները պլպլուն աստղերի տակ: Գեռ նոր էր սկսել Զատիկը և որքան ուրախ էին մարդիկ: Բաց դու տես էգուց ու միւս օրը, թէ ինչեր պիտի անենք...

ՀՐԱՀԱՏ



## ԱՐՔԻ ՉԱՏԻՆԷ



Հն, մանկտիք,  
Եկաւ Չատիկ,  
Բերեց ամենիս  
Ուրախ աւետիք:

Երկինքը պարզուել էլ սև սև ամպեր  
Չեն ծածկում նորա դէմքը կապուտակ.  
Էլ չեն սարսեցնում մարդկային սրտեր  
Չմուսն արհաւիրք, հողմունք բքաբեր...

Սարեր, հովիտներ, դաշտեր ու ձորեր  
Ծածկուել են կանաչ թաւշեայ գորգերով.  
Փայլուն արեգն էլ Չատիկ գալուստը  
Ողջունում է իր կենսատու լուսով:

Նայում ես չորս դիդ.—Ո՛հ, ինչ ցնծալի  
Տեսարաններ են բացվում քո առջև.  
Թռչնոց ճվվոց, գառաց բառաչին  
Ամենքն էլ Ջատկին տալիս են բարև...

Այ՛ո, այսօր է հրաշալի Ջատիկ,  
Ուրախ են ամենք՝ թէ ծեր, թէ մանկիկ.  
Բայց միայն դժբախտ որբիկըն անտէր  
Լռիկ թափում է աղի արցունքներ:

Հարուստ մանուկներ կոկիկ, զարդարուն՝  
Յաւի, տանջանքի չսաճ անուն...  
Որպէս թռչուններ, երգում են, պարում,  
Բերկրալի սրտով Ջատկին ողջունում:

Բայց որբի Համար ռրտեղ է Ջատիկ,  
Զարդարուն զգեստ, անուշ ուտելիք.  
Նա զուրկ ծընողից, զուրկ բարեկամից  
Չունի ապաստան, դողում է ցրտից...

Գլխած, կեղտոտ, հնամաշ լաթեր—  
Ահա անբախտի զատկական շորեր.  
Մի կտոր չոր հաց և մի բաժակ ջուր—  
Ահա քաղցրահամ նրա կերակուր...

Խաղեր, զուարճանք, երգեր մանկական,  
Կարմիր ձուաներ՝ նշանք զատկական,  
Ո՛հ, չկան, չկան, որ գէթ մի չնչին  
Բերկրութիւն տալին խեղճ որբի սրտին:

Գողգոջիւն ձեռքը երկիւղով պարզած՝  
Նա թափառում է լայն փողոցներում,  
Եւ դառն արցունքով աչքերը լցուած  
Անցուդարձողից «չոր հաց» է խնդրում...

«Մի կտոր չ՛որ հաց»... լաւ խորհէք, մանկտիք...  
Տեսէք, ինչին է որբը կարօտում,  
Եւ մի մոռանաք, որ թշուառը միշտ  
«Չոր հացովն է» Ջատկին ողջունում...

ԱՂԷՔ. ԾԱՏՈՒՐԵԱՆ.

# Բ Ո Ւ Մ - Բ Ո Ւ Մ

(ԺԵՎ ՔՐԱՐՂԵՆ)



I



ունաթափ, տարածուած ընկած էր երեխան իր փոքրիկ և սպիտակ անկողնի մէջ. ջերմից ընդլայնացած աչքերով նա նայում էր միշտ իր առաջ՝ հիւանդներին յատուկ և տարօրինակ ապշութիւնով, որով նրանք տեսնում են այն, ինչ որ աներևոյթ է առողջ մարդկանց աչքին:

Մայրը մահճին մօտ նստած իր մատերն է կծոտում: սրտազին ցաւերի աղաղակը խափանելու համար. և անձկութիւնով ու վշտերից խոցոտուած՝ հիւանդութեան սաստկանալն է նշմարում այդ փոքրիկ արարածի նիհարած և բարակ դէմքի վրայ. իսկ հայրը, որ մի պատուական գործաւոր էր, կարմրած աչքերով արտասունքն էր կուլ տալիս, որ այրում էր իր արտեանունքը:

Արշալոյսն էլ ծագում էր՝ աւետելով յունիսուայ մի լուսաւոր, քաղցր և զեղեցիկ առաւօտ. նա բոլոր իր շառաւիղներովը թափանցեց Մայրապետների փողոցի նեղ սենեակի մէջ, ուր մահամերձ տքում էր փոքրիկ Փրանսուան:

Եօթ տարեկան դեղնահեր և վարդագոյն այտերով երեխան դեռ երեք շաբաթ առաջ այնքան վառվռուն և ուրախ էր, ինչպէս մի ճնճղուկ, սակայն ջերմը յանկարծ կաշկանդեց նրան. երբ երեկոյեան տուն վերադարձաւ հասարակաց դպրանոցից, նա շատ ծանրացած էր զգում իր գլուխը, և ձեռքերի մէջ էլ՝ սաստիկ ջերմութիւն:

Տուն գալուն պէս ընկաւ անկողնի վրայ ու մնաց այնտեղ... Խեղճ փոքրիկ: Նա երբեմն ցնորքների մէջ՝ նայելով իր փոքրիկ կօշիկներին, որ մայրիկը խնամքով փալցեցրել ու դրել էր անկիւնում մի տախտակի վրայ, ասում էր.

— Այժմ կարող եմ դէն գցել փոքրիկ Փրանսուայի կօշիկները. փոքրիկ Փրանսուան այլևս դպրոց չի պիտի գնայ... երբէք... երբէք:

Այդ խօսքերը լսելով հայրն աղաղակում էր. «պիտի լռես... թէ ոչ»... Իսկ մայրը՝ իր ոսկեհեր գլուխը, երեսը թաղում էր բարձի մէջ, որպէսզի փոքրիկ Փրանսուան չլսէ իր լացը:

Միայն այդ գիշերը երեխան ցնորք չունեցաւ. սակայն երկու օր է ինչ մի այլանդակ թմրութիւն՝ որ աւելի նման էր մահուան հրաժեշտին, անհանգստացնում էր բժշկին, այնպէս որ իբրևթէ՝ տակաւին եօթ տարեկան հասակում, հիւանդն արդէն ձանձրացած լինէր կեանքից: Լուռ, խոնջուած և տխուր էր, նիհար գլուխը բարձի վրայ էր դրած. ոչինչ չէր ուտում. նրա նրբացած խղճուկ շրթ-թունքների վրայ ոչ մի ժպիտ չէր խաղում այլևս. և կարծես աչքերը յառած, մի որևէ բան էր փնտռում շատ հեռուն...

— Գուցէ երկինքն է որոնում, մտածում էր ինքն իրան Մատիէնը սառսառալով:

Երբ նրան առաջարկում էին, որ կամ դեղ կամ օշա-



րակ և կամ փոքր ինչ մտաջուր ընդունի, նա մերժում էր, մերժում ամեն ինչ:

—Մի բան չես ուզում, Փրանսուա:

—Ո՛չ. ոչինչ չեմ ուզում...

—Քայլեալնպէս՝ պէտք է մի ճար մտածել, ասաց բժիշկը. — այս թմրութիւնն ինձ երկիւղ է պատճառում. դուք իբրև նրա ծնողքը, պէտք է լաւ ճանաչէք ձեր որդուն. որոնեցէք մի բան, որով կարելի լինի վերակենդանացնել այս փոքրիկ մարմինը, դէպի երկիր վերադարձնել այս հոգին, որ արդէն ամպերումն է թափառում:

«Որոնեցէք», ասաց կրկին բժիշկն ու հեռացաւ:

Խեղճ ու պատուական մարդիկն անշուշտ լաւ էին ճանաչում իրանց Փրանսուային. լաւ գիտէին, թէ՛ նրբան դուարճութիւն կրգգար փոքրիկը, եթէ կարողանար գնալ խաղալ ու կաքաւել անտառի մացառների մէջ. յետոյ քաղաք վերադառնալ՝ ծաղկներով գիրկը լիքը և հայրիկի շալակը հեծած. նոյնպէս և Եղիւսեան դաշտերում, ներսից, հարուստ մեծատանց տղաների հետ տեսնել պաճուճախաղերը...

Յակոբ Արկրանը իր փոքրիկ Փրանսուայի համար՝ զանազան պատկերների, ոսկեգօծ զինուորների, չինական ստուերների խաղալիկներ էր գնել, որոնց շրջահատելով՝ գնում էր երեխի անկողնին վրայ ու պար ածում իր փոքրիկի տարտամ աչքերի առաջ, և իր արտասուելու ցանկութիւնը զսպելով՝ խեղճն աշխատում էր ծիծաղեցնել որդուն:

—Ա՛յ տեսնո՞ւմ ես. սա խորտակուած կամուրջն է. իսկ սա, ո՛, սա մի զօրապետ է. լիշում ես որ մի անգամ քեզ հետ մի զօրապետ տեսանք Բուլօնէի անտառում. լսի՛ր, եթէ դեղերդ լաւ ընդունես, մի դորդ զօրապետ կըզնեմ քեզ համար՝ կապուտակ բաճկոնով, ոսկեթել ուսնոցներով. ասա՛, ուզո՞ւմ ես որ քեզ բերեմ այն զօրապետին. պատասխանի՛ր:

«Ո՛չ», պատասխանեց մանուկը ջերմից այրուող ցամաք ձայնով:

— Աս՛ն ուրեմն, ուզո՞ւմ ես մի ատրճանակ, կլորիկ գնդիկներ, մի աղեղ. աս՛ն:

«Ո՛չ»... կրկնեց իր բարակ ձայնով և գրեթէ անզթաբար:

Եւ այն ամենն՝ ինչ որ նրան ասում էին, ինչ խաղալիկ և փամփուշտ, որ նրան խոստանում էին... փոքրիկի ձայնը կրկնում էր. ո՛չ, և ո՛չ... մինչդեռ ծնողքը միմեանց երեսին էին նայում յուսահատաբար:

— Բայց ինչ ես ցանկանում վերջապէս, իմս Փրանսուա, հարցրեց մայրը. տեսնենք կա՞յ անշուշտ մի որևէ բան, որ դու ցանկանայիր ունենալ. աս՛ն ուրեմն այդ բանը ինձ՝ քո մօրը:

Եւ խեղճ մայրը սիրասուն կերպով իր այտը դնում էր փոքրիկ հիւանդի բարձին, և միևնույն հարցը մրմնջելով կրկնում էր նրա ականջին:

Այնժամանակ երեխան մի տարօրինակ ձայնով շեշտեց, և նստելով իր մահճի վրայ, անյազ կերպով կառկառեց ձեռքերը դատարկութեան մէջ դէպի մի անտեսանելի առարկայի, և միանգամայն պաղատագին և հրամայական ձայնով գոչեց.

— «Բու՛մ-բո՛ւմն եմ ուզո՞ւմ»...

Բու՛մ-բո՛ւմ...



II



ը մարդուն էր նայում խեղճ Մատլէնը, որ իմանայ, թէ ի՞նչ է արդեօք իր փոքրիկի ուղածը... չլինի թէ կրկին անգամ ցնորք լինի... այն ահարկու ցնորքը, որ գուցէ նորից է սկսվում: Բում-բում...

Խեղճ կինը չէր հասկանում դրա նշանակութիւնը և վախենում էր այդ եղական բառերից, որոնց այժմ երեխան սկսել էր կրկնել մի հիւանդոտ յամառութիւնով. իբրև թէ մինչև այնժամանակ չկարողանալով պատկերացնել իր երազը, հիմա էլ ապաւինում էր նրան մի անընկճելի կամապաշտութիւնով:

«Այն, բում-բում... բում-բում, բում-բումն եմ ուզում»:

Մայրը ջղոտ կերպով սեղմեց Յակոբի ձեռքը, ցածր ասելով նրան.

— Ի՞նչ է նշանակում այս, Յակոբ, ի՞նչ. մեր որդին կորսած է:

Իսկ հայրը՝ իր գործաւորի կարծր երեսին վրայ ապուշ և գրեթէ մի երջանիկ ժպիտ ունէր, դատապարտեալի ժպիտի նման, որ փրկութեան մի նշոյլ է նշմարում:

Բում-բում... այն, լիշում էր Զատիկի երկրորդ օրը, երբ առաւօտեան կրկէս էր տարել Փրանսուային. դեռ մանկան ականջումն էին ուրախ և մեծաձայն ծիծաղները. բզեզի քէփն եկած էր բարեմիտ խնդումից, երբ միմօսը՝ այն զարդապաճօյճ խեղկատակը, ոսկեխայտ սև տարազը հագած, քամակին կպցրած ունենալով մի մեծ թիթեռնիկ՝ փայլիլուն, այլադունուած և բազմերանգ... և այնպէս հազուած սո-

տոտուում էր ձիերի ետևիցը, խոխտացնող հարուածներ տալով հեծեալի սրունգներին. երբեմն կանգնում էր օդի մէջ անյողողող՝ գլուխն ի վայր աւազի վրայ և ոտները բարձր: Եւ կակուղ գլխարկներ դէպի վեր ջահն արձակելով, ճարպիկ կերպով ուղղակի իր գլխի վրայ էր դնում, և մինը միւսին վրայ ընկնելով՝ գլխարկներից մի աշտարակ էին ձևացնում միմոսի գանգի վրայ:—Եւ իւրաքանչիւր անգամ, ամեն մի խողկատակին, իբրև մի յանգ՝ բնւմ-բնւմ էր աղաղակում. իր լայն, չարճճի և ճաղրածու պատկերին, մի գուարթ արտայայտութիւն տալով կրկնում էր միւսնոյն բառը, որին երբեմն ընկերակցում էին երաժշտների նուագարանները, երբ նա գոչում էր բնւմ-բնւմ:

Բում-բնւմ: Եւ ամեն անգամ որ նա ի տես էր գալիս, ամբողջ կրկէսը թնդում էր կեցցէների պայթիւններով, և փոքրիկ Ֆրանսուան էլ, ձայնը գցած երկար ծիծաղում էր, բնւմ-բնւմ... Հն, Հն, Հն...

Բում-բնւմ. հէնց իսկ այդ կրկէսի միմոսն էր՝ ամբողջ քաղաքի մի մասին գուարճացնող միմոսը, որին Ֆրանսուան ցանկանում էր տեսնել, ունենալ նրան. բայց թէ մինը, և թէ միւսը անկարելի էին փոքրիկ Ֆրանսուայի համար, որովհետև նա հիւանդ պառկած էր իր սպիտակ մահճի մէջ:

Երեկոյին հայրը երբ տուն վերադարձաւ հետը բերեց Ֆրանսուայի համար շարժուն յօտերով, ոսկի աստղիկներով կարկատած մի շինճու միմոսի պաճուճապատանք, որ մի վաճառանոցի մէջ էր գնել շատ թանկ՝ իր մեքենագործի չորեքօրեայ վատտակը վճարելով. բայց նա պատրաստ էր այդ կերպ խաղալիկներ քսան, երեսուն հատ էլ գնել, պատրաստ էր գոհել իր մի տարուան աշխատութիւնների արդիւնքը՝ կրկին մի ժպիտ վերադարձնելու համար իր սիրելի հիւանդի գունատ շրթունքների վրայ:

Նրեխան մի ըստէ նայեց խաղալիկին, որի փայլը մըցում էր անկողնի սպիտակ սաւանին հետ, յետոյ տըխրօրէն ասաց.

«Այդ բում-բումը չէ... ես... բում-բումն եմ ուզում:

Ահ... խեղճ հայրը... եթէ կարողանար նրան փաթաթել մի վերմակի մէջ և տանել մինչև կրկէս, ցոյց տալ միմոսի պար գալն ու նրա կաքաւը կրկէսի լուսաւոր ջահին տակ, և ասել Փրանսուային.

— Ահա՛ ուրեմն, տես և ուրախացիր...

Քացց նա աւելի լաւ բան արաւ, ուղիղ գնաց կրկէս, իմացաւ այնտեղ միմոսի ուր բնակուելը, և յուզմունքից թուլացած ծնկերով բարձրացաւ այն տան սանդուղներով, ուր դերասանն էր բնակվում Մօնմարթրի թաղի մէջ: Թէպէտ շատ յանդուգն ձեռնարկութիւն էր այդ իր կողմից. սակայն նա խորհում էր, վերջիվերջոյ, չէ՞ որ դերասանները շատ անգամ հրաւիրուելով գնում են իշխանների և հարուստների սրահների մէջ երգելու, կամ մենախօսութիւններ արտասանելու. թերևս միմոսն էլ՝ որի ամեն պահանջը պատրաստ էր հատուցանել, հաւանի գալ և այցելել փոքրիկ Փրանսուային. ի՛նչ փոյթ, թէ ի՛նչ ընդունելութիւն պիտի տեսնէ միմոսից, որովհետև մի սրբէ հասարակ գործաւորի ներկայութիւնը բում-բումի տան մէջ տարօրինակ է... Էհ...

Քացց միմոսն այն տան մէջ այլևս այն բում-բումը չէր, այլ կոչվում էր պարոն Մօրէնօ և իր դերասանական գեղեցիկ բնակարանի մէջ էր. գրքերի և ճարտար փորագրուած պատկերների երևոյթը, միով բանիւ, մի արուեստաշքեղ կահք, մի բարեկիրթ մարդու արժանաւոր շքրջապատ էին կազմում նրան, որ ընդունեց գործաւորին իր առանձնասենեակի մէջ, որ իր աջառ տեսքովը՝ աւելի մի բժշկական աշխատարանի էր նմանում:

Յակօրը նայում էր միմոսի երեսին՝ ամեւելին նմա-

նութիւն չգտնելով նրա և կրկէսի մէջ տեսած դէմքի  
հետ, և շուարած, ձեռքի գլխարկի յետ էր խաղում—  
միմոսն սպասում էր. այն ժամանակ հայրն սկսեց ներո-  
ղութիւն խնդրել, ասելով, որ «ճշմարիտ, քեզ զարմանալի  
պէտք է թուի իմ խնդիրքը... ներեցէ՛ք... թողութիւն...  
բայց և այնպէս՝ խնդիրը մի փոքրիկ երեխայի մասին է.  
ուղիղ է որ ծանր է այդ խնդիրը, սակայն մի փոքրիկ  
մանուկ, մի սիրուն փոքրիկ, և շատ խելացի է, պարօն,  
շատ. դպրոցում միշտ յառաջընթաց, բացի թուաբանու-  
թիւնից, որին չէ կարողանում ըմբռնել... սաստիկ ե-  
րևակայող է, սաստիկ... այ՛ն. և ապացոյցը այն է որ...  
ապացոյցը...»

Յակօր սկսել էր վախենալ, թոթովել. բայց յետոյ  
քաջասրտութիւնը հաւաքելով ասաց.

— Ապացոյցը այն է՝ որ ցանկանում է ձեզ տեսնել.  
երևակայեցէ՛ք... միայն ձեր վրայ է մտածում, դուք  
միշտ իր աչքի առաջ կանգնած էք մի լուսաւոր աստղի  
նման, որին նայում է միշտ՝ ցանկանալով նրան անպատ-  
ճառ ունենալ:

Խեղճ հայրը, երբ խօսքը վերջացրեց, սաստիկ գու-  
նաթափ եղաւ, և քրտինքի խոշոր կաթիլներ էր զգում  
իր ճակատի վրայ, չէր համարձակվում միմոսի երեսին նա-  
յել, որնոր ուշադրութիւնով դիտում էր գործաւորին, և  
արդեօք ինչ պիտի լինէր բում-բումի պատասխանը. եթէ  
յանկարձ իրան ճանապարհ գցէր, դ՛ուրս հանէր դռնից  
իբրև մի յիմարի:

Սակայն յանկարձ բում-բումը հարցրեց.

— Ո՞ւր է ձեր բնակարանը:

— Ո՛հ... այստեղ. շատ մօտիկ... Մայրապետների  
փողոցում:

— Գնանք ուրեմն, ասաց միմօսը. եթէ ձեր որդին  
ուզում է տեսնել բում-բումը, լաւ ուրեմն, պիտի տեսնէ:



բբ սենեակի դուռը բացարին միմօսի առաջ, Յակոբը շշկլած և ուրախ աղաղակելով՝ ասաց որդուն.

—Տես և գոհ եղիր, բզէգ. ահա վերջապէս բերի բում-բումը:

Մանուկը մի ուրախառիթ փայլ ունեցաւ իր երեսի վրայ, և մօր բազուկը նեցուկ անելով, գլուխը դէպի ներս մտնող երկու մարդկանց դարձրեց, ու մի բոպէ որոնելով զննեց այն անձին, որ իր հօրը մօտ կանգնած էր իր սև բաճկոնովը, որի բարի պատկերը, ժպտում էր իրան: Բայց փոքրիկը նրան չէր ճանաչում. և երբ ասացին թէ նա է բում-բումը, տխուր և լքեալ գլուխը՝ ծանրաբար բարձի վրայ դրեց և շարունակեց մնալ այնտեղ, աչքերը պիշ բացած. այն գեղեցիկ, մեծ ու կապույտ աչքերը, որ կարծես փոքրիկ սենեակի պատերից այն կողմն էր ուզում տեսնել. և փնտռում ու որոնում էր միշտ բում-բումի սկեխայտ զգեստն ու մեծ թիթեռնիկը: Եւ առաւել վշտահար, քան ցամաք ձայնով. «Ո՛չ, պատասխանեց երեխան, ո՛չ, այդ չէ՛ բում-բումը:

Միմօսը փոքրիկի մահճի մօտ կանգնած՝ խոր, լուրջ, և անհուն քաղցրութիւնով նայում էր փոքրիկ հիւանդի երեսին. նա շարժեց գլուխը և վհատուած ու անձկոտ ծնողների վրայ մի հայեացք ձգելով, ժպտաց ու ասաց.

—Իրաւունք ունի, սա բում-բումը չէ՛. ու դուրս ելաւ սենեակից:

Այնժամանակ երեխան մի փոքրիկ հրեշտակային ձայնով սկսեց կրկնել. «Ո՛չ. ո՛չ, այլևս չէ՛, չէ՛մ տեսնելու

բում-բումին... բում-բումը թերևս այնտեղ է, այնտեղ,  
ուր փոքրիկ Փրանսուան էլ պիտի գնայ շուտով...»

Եւ դեռ կէս ժամ չկար որ միմոսն աներևոյթացել  
էր, երբ յանկարծ, բուռն կերպով դուռը բացուեց կրկին  
և միմոսը՝ իր ոսկեխայթ տարազով, գլխի վրայ դեղին  
ցցունքով, կրծքում և քամակում ոսկի թիթեռնիկներն  
փայլիփայլ, բերանը մի գզրոցի չափ լայն բացած  
ժպտալով ներս մտաւ. քիթն ու երեսը ալիւրոտած բում-  
բումը, իսկական բում-բումը, հասարակ ժողովրդեան թա-  
ղերի բում-բումը, կրկէսի բում-բումը, փոքրիկ Փրանսուայի  
սիրական բում-բումը երևցաւ վերջապէս. Փրանսուան  
նստեց իր սպիտակ մահճին վրայ. աչքերը կենսատու ու-  
րախուժիւնով լիքը, մերթ լալիս էր, մերթ ծիծաղում, և  
նա երջանիկ էր և փրկուած. խփեց մանուկը իր երկու  
նիւկար ձեռքերը միմեանց, կեցցէ գոչելով իր մանկական  
զուարթութիւնով, որ յանկարծ պայթում էր և փայլում  
մի օղային փամփուշտի նման:

Բում-բում... նա էր, նա. այլ այս անգամ խա-  
բուած չէր. իսկական բում-բումը կանգնած էր իր աչքի  
առաջ:

— Կեցցէ բում-բումը... բարի լոյս, բում-բում...



#### IV.

Յն օրը բժիշկը կրկին եկաւ այցելելու հի-  
ւանդին, որի անկողնի մօտ մէկ միմոս  
գտաւ նստած. նա իր ալիւրոտած սպիտակ  
ուխովը տակաւին շարունակում էր ծիծա-  
ղեցնել փոքրիկին, և դեղի բաժակի մէջ մի շաքարի կտոր  
հալեցնելով ասում էր.



— Տեսնում ես, փոքրիկս, եթէ այս դեղը չընդունես, այլևս բուժ-բուժը չպիտի վերադառնայ քեզ տեսնելու:

Եւ երեխան ընդունում էր դեղը:

— Համեղ է, այնպէս չէ:

— Այն, բուժ-բուժ, շատ համեղ է, շնորհակալ եմ, հի, հի, հի...

— Պարոն բժիշկ, ասաց միմօրը, միք նախանձիլ խնդրեմ, ինձ այնպէս է թւում, թէ իմ ծամածուռ ծիծաղներս այնքան են օգնում նրան, որքան ձեր դեղերը:

Եւ հայրն ու մայրը արտասովում էին. բայց այս անգամ ուրախութիւնից:

Եւ մինչև Փրանսուայի բոլորովին առողջանալ ու ոտի կանգնելը, մի կառք ամեն օր գալիս և կանգ էր առնում Մայրապետների փողոցի գործաւորի դռան առաջ. մի մարդ իջնում էր այդ կառքից, իր մեծ վերարկուի մէջ փաթաթուած և օձիքը բարձր՝ ծածկելու համար իր կրկեսական միմօսի տարազն ու ալիւրոտ երեսը:

Իսկ երեխան երբ առաջին անգամ սկսեց գուրս գալ տանից, հայրն ասաց վարպետ միմօսին.


— Ի՞նչ կերպով կարող եմ յայտնել ձեզ իմ երախտիքը. վերջիվերջոյ ես ձեզ շատ եմ պարտական:

Միմօսն իր հերքիլեան ձեռքերը ծնողին երկարացնելով ասաց.

— Նախ՝ մի բարեկամական ձեռն կառկառել ինձ. — և փոքրիկի այտերի վրայ, որոնց վարդագոյն՝ եռանդն սկսել էր վերադառնալ, երկու խոշոր համբոյր գետեղելուց յետոյ, յարեց ծիծաղելով. — և յետոյ՝ իբրև վարձատրութիւն թոյլ տուէք ինձ տպել այցատոմսիս վրայ. Բո՛ւժ-բո՛ւժ՝ գիտնակն աչքօթալ, անչնակն և հանաւոր բժիշիւր փոքրիկ Փրանսուայի:

Ֆրանս. թարգմ.

ՊԵՏՐՈՍ Հ. ԱԴԱՄԵԱՆ



## ՍՈՒԹԱԿՆԵՐ

Մ

(ԿԵԼՈՎԵՅ)

Ի ճարպիկ թռչնորս զարնան օրերում  
Անտառների մէջ սոխակ էր որսում.  
Խեղճ սոխակները վանդակում փակուած,  
Ճուփողում էին ճարները կտրած.  
Թէէ, ի հարկէ, նոքա կուղէին,  
Որ անտառներում ազատ ման գային.  
Բանտում փակուածը ինչ սիրտ կունենայ,  
Որ դեռ երգի էլ, կամ զուարճանայ:

Բայց էլ ինչ անէին,

Որ գոնէ չերգէին,

Եւ իրանց սև օրը

Միասին չողբային:

Նրանցից միայն մէկը չէր երգում.

Նա իր սիրելու կարօտն էր քաշում.

Արտասուլաթոր աչքերով

Նա գաշտերին էր նայում,

Գիշեր ցերեկ տանջուելով,

Ընկերուհուն էր լիշում:

Իր ընկերուհուց խեղճն անջատուած,

Հալվում, մաշվում էր վանդակում փակուած:

Անբախտ սոխակը վերջը մտածեց.  
«Այսպէս չի լինիլ, ինքն իրան ասեց,  
Անխելք մարդիկն են շարունակ տխրում,  
Իսկ խելօքները հնար են փնտրում,

Որ դժբախտութեան

Մի կերպով վերջ տան.

Կարծեմ, ես ինքս էլ, եթէ աշխատեմ,  
Իմ թշուառութեան մի ճար կը գտնեմ:  
Մեզ խօսմ չեն բռնել, որ մեր միսն ուտեն,  
Այլ որ մենք երգենք, իրանք էլ լսեն:  
Մեր այս պարոնը, ինչպէս կերևի,  
Երգեր լսելու սատտիկ սէր ունի.

Եթէ իմ ձայնով ես սորան դիւր դամ,  
Փոխարէնն անշուշտ պարգև կըստանամ.

Եւ նա վերջ կըտայ իմ ստրկութեան»:  
Հաւատացնում էր սոխակն ինքն իրան:

Եւ ոգևորուեց,

Երգել սկսեց.

Եւ անուշ ձայնով,

Սիրուն երգերով

Նա իր պարոնին զմայլեցրեց:

Պարոնն էլ միայն նորան հաւանեց

Եւ լաւ ինամեց.

Իսկ միւսներին—

Վատ երգողներին

Իսկոյն արձակեց:

Եւ այնուհետև մեր խեղճ սոխակին


Աւելի ամուր ու պինդ փակեցին:

Ղ. ԱՂԱՅԵԱՆՅ





## Ե Ր Գ Ի Չ Տ Ղ Ա Ն



էւ գիժ մարտի սկիզբն  
էր, բայց օրը տաք էր և  
խաղաղ:

Մի խումբ երեխաներ՝  
ուրախ ճիչ ու աղաղակ  
բարձրացրած խաղում էին  
ընդարձակ պատշգամբի  
վրայ: Նրանք ամենքն  
էլ ուրախ էին, ամենքն  
էլ զուարթ էին. նրանք  
զգում էին որ սիրուն գա-  
րունը մօտեցել էր արդէն:

Նրանցից մի քանիսը ձիւ-ձիւ էին խաղում, մի քա-  
նիսն առաջկտրուկի, ոմանք էլ՝ պատշգամբի մի կողմի  
վրայ հաւաքուած, արեւկող էին՝ արել և ժպտալով մտիկ  
էին տալիս իրանց խաղացող ընկերներին:

Այդ ըոպէին ամեն ինչ խաղաղ էր բնութեան մէջ.  
և միայն երեխաներն էին, որ իրանց աղմկալի ճշոցով  
խանգարում էին այդ տիրող խաղաղութիւնը:

Հէնց այդ միջոցին էր որ երկու տղայ մտան գա-

ւիթ: Մտնողներից աւելի տարեքովը գնում էր առաջից, իսկ միւսը՝ առջևից գնացողի մեկնած ձեռքը բռնած, անվտանգ քայլերով նրան էր հետևում: Հասնելով երեխաների խաղատեղ դարձած պատշգամբի տակ, մանածոյ տղան կանգ առաւ և իր փոքրիկ ուղեկցին ասաց հրամայաբար.

«Ե՛րգիր»:

— Ի՞նչ երգեմ, — պատասխանեց նա ու ականջ դնելով երեխաների խօսակցութեանը, աւելացրեց. — նրանք ինձ չեն հասկանալ:

Այդ ասող տղան կոյր էր երկու աչքով. նա մի անգարդ չոնգուր ունէր իր ուտին, հագուստը շատ հասարակ էր և բոլորովին մաշուած, իսկ գլխարկը մի կիսամաշ սև թասակ էր:

«Պէ՛ երգիր, ասում են քեզ», ստիպեց մանածոյը:

— Լա՛ւ. ի՞նչ երգեմ. նրանք հայերէն չգիտեն:

«Ի՞նչ ուզում ես երգիր, միայն թէ՛ երգիր»:

— Քայց, դու ինչո՞ւ ինձ ասացիր՝ դնանք այն հայերեխաների մօտ երգիր, քանի որ այդ քօ հայ-երեխաները հայերէն չգիտեն:

«Տօ դէ՛... քեզ ասում են երգիր, երգիր էլի՛: Ի՛լ նոր ի՞նչ ես քարոզներ կարգում...»

— Եթէ՛ այդպէս է, դու ի՞նքդ երգիր այդպիսիների համար. իսկ ես երգողը չեմ, եռանդով պատասխանեց կոյր տղան:

«Տօ, ի՞նչը ես եմ, թէ՛ դու»:

Այդ անարդար յանդիմանութեան վրայ խեղճ տղան ցնցուեց, և այլևս ոչինչ չպատասխանելով՝ վերցրեց թասակը, ուտից վէրքերեց չոնգուրը, մի լաւ լարեց և աչքերի սպիտակուցները յառելով տարածութեան մէջ մի կէտի վրայ՝ սկսեց շուտ-շուտ ածել ու հետն էլ՝ առանց հասկանալու երգել, աւելի ճիշտն՝ աղաղակել: Քայց որով-

Հետև նա երգում էր իրան անհասկանալի մի օտար լե-  
զուով, այդ պատճառով նրա երգը զգացմունքից զուրկ  
էր բոլորովին:

Երեխաները սուս արած մտիկ էին տալիս երկուսին  
էլ, բայց մի առանձին տխրութիւնով էին նայում կոյր,  
փոքրիկ երգչին. և նրանց անմեղիկ սրտները ճմլվում էր  
նրա դրութեան վրայ:

Բայց ահա երգիչը վերջացրեց օտար լեզուով երգածը,  
միքիչ շունչ առաւ և նորից սկսեց երգել. միայն այժմ  
նչ թէ օտար, այլ իր և իր հասակակից ունկնդիրները մայ-  
րենի լեզուով: Երգելիս հետզհետէ նրա դէմքն սկսեց փո-  
խուել. նա ոգևորուեց, բայց և տխրութեան մի այնպիսի քօղ  
պատեց նրա երեսին, որ երեխաները վրայ ևս ազդեց:

Նա այժմ իր աչքերը մեծ-մեծ և աննպատակ բա-  
նալու փոխարէն, խոնարհեցրել էր և երգում էր այնպէս  
զգացմունքով, ձայնը տեղ-տեղ այնպէս անուշ, այնպէս  
քնքշօրէն էր դողդողում, որ իր նման մատաղ ունկնդիր-  
ների մատաղիկ սրտներն սկսեցին թրթռալ:

Երեխաները՝ լուռ, ամբողջովին ականջ դարձած  
լսում էին...

Նա վերջացրեց երգը, «թագանէն» կայրեց իր տեղը,  
չոնգուրը գցեց ուն ու պատրաստուեց գնալ:

Երեխաների միջից մի արծաթ դրամ թռաւ և զըն-  
գալով ընկաւ նրա ոտերի մօտ. մանածողը վերցրեց դրամը  
և երեխաներին գլուխ տալով՝ տուեց նրան:

Երգիչ տղան արգէն զնացել պրծել էր, բայց երե-  
խաները՝ մոռացած իրանց խաղը, երկար ժամանակ դեռ  
էլի լուռ կանգնած մտածում էին «ո՞ր» վրայ և աչքները  
յառած ու մտախոհ նայում էին այնտեղին, ուր «ո՞ր»  
էր կանգնած...:

Փոխադր. ԼԵՒՈՆ Մ.-Ա.

## ՇԵՐՈՒՆԻ ՍԱՐԳՍԻ ՅԻՇԱՏԱԿԱՐԱՆԸ



նցնում են էլի մի քանի  
շաբաթներ: Արեգակը կէս-  
օրին ուղիղ գլխներէս կանգ-  
նած՝ սաստիկ այրում է.  
տաքացած օդը խեղդուկ է  
դառնում, նրա միջում  
բամբակի կարճ ու բարակ  
թելեր են լող տալիս. մեր ճառիկը բերանը բաց արած,  
լեզուն դուրս կախած հռհռում է, լեզուի ծայրից շողիկ  
է կաթկթում. նա մերթ պառկում է, մերթ վազում է,  
յաճախ փռչտում, և թաթովն անդադար քիթը տրորում:

Մայրս ինձ արգելում է ցերեկը գլուխս բաց արևի  
տակ խաղալ. մենք իրար հետ միացած, մեր մայրերից  
ծածուկ գետն ենք դնում, սառը ջրի մէջ լողանում, զո-  
վանում: Եթէ մայրս իմ լողանալը իմանայ, անպատճառ

կրճեծի. նա ասում է, թէ ծովի մայրն իր երկար մագերի մէջ փափաթելով՝ ինձ գետի յատակը կրտանի, կրխեղդի և կուտի: Ես թէև նրան հաւատում եմ, բայց շատ եմ ցանկանում լողանալ. բացի նրանից, ես չեմ կամենում ընկերներիցս բաժանուիլ. չեմ կամենում, որպէսզի նրանք լողանալուց յետոյ իմ առաջ պարծենան, ինձ «վախկոտ» կոչեն, իսկ ես հարկադրուած լւեմ: Լողանալուց յետոյ մենք աշխատում ենք որքան կարելի է շուփո չորացնել մեր գլխի մագերը, որովհետև մայրերս նրանց նայելիս միայն կարող են գուշակել՝ լողացել ենք թէ ոչ: Գետի ափի մանրիկ, կլորիկ աւազի քարերը մեզ շատ սիրելի են երևում. մեր գրպաններն ամեն անգամ նրանցով լցվում են: Նրանցով մենք փորձում ենք, թէ ո՞վ ինչքան հեռու կարող է քար ձգել, նշան առնել: Նրանք մեր գէնքերն են. շները, խոզերը, կատուները շատ լաւ են իմանում նրանց զօրութիւնը: Այնտեղի մօտ՝ ուր մենք լողանում ենք, շատ նաւեր են կանգնած լինում, նրանց վրայի մարդիկն անհասկանալի լեզուներով են խօսում, մեծ բազմութիւնով փոքրիկ տակառներ են հանում նաւերից և գետից ոչ հեռու շինած նկուղների առաջ դարսում. ասում են թէ այդ տակառների մէջ մեղր է լցրած:

Փամանակ-ժամանակ, երբ օդի միջում խեղդելու չափ շոք է լինում, պայծառ երկնքի երեսին արծաթի և ոսկու զանգուաճների նման, չեմ իմանում սրտեղից, սպիտակ, դեղին ամպեր են երևում: Նրանք շատ թեթև են, որովհետև սաստիկ արագութիւնով թրթռում են. նրանք՝ քանի միմեանցից հեռու են, ծիծաղում են, զուարճանում են. բայց հէնց որ՝ երևի մեզ նման խաղեր խաղալու ցանկութիւնով, մի տեղ են հաւաքվում, իսկոյն կռիւներ են սարքում: Մէկ-մէկու ետևից վազվզելով, կուռ-կուռ, թև-թևի փաթաթուելով, միմեանց կողերը խտրտում են, պուկպկի բռնած՝ իրար խեղդում են, ցաւերից բարկացած՝



սաստիկ գոռգոռում են և վերջիվերջոյ երկիւղալի կռիւ-  
ներ սարքում: Նրանց կռիւների ձայնը սարսափելի է.  
նրանք հրացաններ են արձակում միմեանց վրայ, հրա-  
ցանների կայծերը հեղեղների նման մեր եկեղեցու դմբէթի  
քամակին են թափվում:

Սատանաներն ամպերի կռիւներից ուրախանալով, չար  
քամու թւերի վրայ նստած, հաւաքվում են մեր փողոցի  
վերի ծայրը. այնտեղից փոշու սիւներ կազմելով օդի մէջ  
են բարձրանում, այստեղ այնտեղ ուրախ-ուրախ թրը-  
թռում, թափառում, պար գալիս, ջահիլ սատանաների  
հարսանիքներ կատարում: Մենք՝ երեխաներս, փոշու այդ  
շարժական սիւները տեսնելիս՝ «սատանի հսրսանիք»  
բղաւելով, իսկոյն դանակներ առած նրանց վրայ ենք  
յարձակվում և բոլոր ուժով դանակները նրանց մէջ ձգում:  
Մենք կամենում ենք նրանցով ուրախ սատանաների ե-  
ղունդները կտրել, առնել. մայրերս ասում են, թէ նրան-  
ցով բժշկութիւններ կարելի է անել: Բայց ահա սատանա-  
ները քամու հետ թռչում հեռանում են, փոշու սիւները  
նոյնպէս անհետանում: Մենք աչքներս չորս բացած այս  
կողմ այն կողմն ենք վազվղում, սատանաների եղունգներ  
փնտրում...

Ահա Մըկըրը կայծքարի կտոր գտնելով «գտայ» բը-  
ղաւում է անսովոր յափշտակութիւնով, ետեւը չնայած,  
առանց ոտների տուն է վազում: Նրա ձայնը լսելիս, մենք  
մի տեսակ ծանր զգացմունքով վրդովվում ենք, միքանի  
բոսլէ նրա քամակիցը նայում: Մեզնից միքանիսը Մըկըրի  
ետեւից վազում են՝ սատանի եղունգը նրանից խլել են  
կամենում, բայց նա շուտով փախչում, անհետանում է:  
Գեղճանը կէս ճանապարհին օտը քարի գարնելով արիւնո-  
տում է և գլորուելով դետին է փռվում. նա պառկած  
տեղը լաց է լինում, «ը՛հը ը՛հը» տքտքում է, արցունք-  
ները բռնցքով սրբում: Մենք նրա վրայ ուշադրութիւն

չենք դարձնում, մենք էլի սկսում ենք կրկնապատկած եռանդով սատանի եղունգ փնտրտել, բայց իզուր որովհետև չենք գտնում և Մրկրրի բախտին ենք նախանձում:

Զմբլենց Գասպարը սատանի եղունգ չգտնելուց դատ, փոշու մէջ ձգած դանակն էլ կորցնում է, երկար բարակ նրան փնտրտում և չի գտնում. լետոյ իմ կողքին կանգնած, մօրից ուտելու ծեծը մտաբերելով՝ սկսում է կամացկամաց վերի պռօշը ուռցնել, քթի տակից վար կախել. ես փորձից իմանում եմ, թէ դա ինչ է նշանակում, նա լաց լինել է կամենում: Ես նրան ասում եմ, թէ անպատճառ սատանաներն են գողացել նրա դանակը և հետները տարել: Այդ լսելով նա հանգստանում է, ուռած շրթունքին էլի առաջուկ կերպարանքը տալիս: Յետոյ միքանի երեխաներ միաբանուելով՝ կրկին սկսում ենք Գասպարի դանակը փնտրել: Այդ միջոցին մեր մօտից ժամկոչ Թաթոսն է անցնում, եկեղեցու սիւնի մօտին նա վար վեր է կռանում, էլի անցնում գնում: Նրա ձեռին մենք ոչինչ չենք նկատում, մենք մտածում ենք սատանին խաբել, դանակը խորամանկութիւնով ձեռիցը ետ առնել. դրա համար բոլորս միասին բարձր ձայնով շարունակ երգել ենք սկսում հետևեալ՝ էլի մեր շարագրած չորս տող ոտանաւորը:

Սատանայ, սատանայ,

Մեծ ամանով «փախլաւայ»,

Կէսը քեզի, կէսը մեզի,

Աւելցածն էլի քեզի:

—Սատանայ, սատանայ... և այլն:

Բայց սատանան մեզանից աւելի խորամանկ է լինում, մեր կեղծ խոստումներին չի խաբվում, Գասպարի դանակը չի վերագարձնում: Յանկարծ երկնքի հարաւային ծայրում եղիա մարդարէի ոսկի խարազանի ծայրն է «եալթ» անում ու էլի անհետանում: Մենք զլխարկներս

Հանած երեսներս ենք խաչակնքում, երկնքին մտիկ տալիս... Նա մթնել է. ամպերը հարբած մարդերի նման կատաղել են, կոկորդներն ուռցրած Հն գոռում են, Հն գոռում, երկինք գետին թնդացնում: Մենք՝ սատանի եղունգ, դանակ բոլորովին մոռացած եկեղեցու դուռն ենք վազում, մի անկիւնում «կուչ» եկած, գոռգոռոցի վերջանալուն սպասում:... Աստուած չար ամպերի վրայ բարկացել է, Եդիա մարգարէին ուղարկել է, որ նրանց պատժէ:

Եդիա մարգարէն ոսկէ խարազանը ձեռին երկնքի մի ծայրից միւսն է վազվզում, չարացած ամպերին ծեծելով, ծեծելով երկնքից վար թափում:

Ամպերը լաց լինելով երկնքի երեսից անհետանում են, նրանց արցունքներն անձրևի կաթիլներ դառնալով ցած են իջնում, գետնի վրայ թափվում:

Մենք գլխներս բացած, անձրևի տակ ուրախ-ուրախ վազվզում ենք. «անձրև, անձրև, վար, վար, անձրև, անձրև, վեր, վեր» կանչում ենք, մինչև որ նա դարի: Դադարելուց չեսոյ մեր փողոցի մէջտեղից հեղեղն սկսում է հոսել: Մենք փորձով իմանում ենք, որ նա քաղաքի վերի մասերից ինչ որ պատահում է, բոլորը հաւաքելով, հետն առած դէպի գետն է տանում: Վարտիքներս ծնկներից վեր ծալելով, մենք նրա հոսանքի մէջ ենք մտնում և շատ մեխեր, բանալիներ և ուրիշ բաներ ենք գտնում...

(Պրշարունակութ):

Յ. ԴՈՒՐԲԱՒԵԱՆ



# ԽԵԼԱԳԱՐ ԲԵՍՍՕ

Օսական աւանդութիւն

(Վ.ս. Ս. Սօլովիէվի)

Ա



արնանային արեգակը, որը բարձրացել էր  
հարաւային երկնքի մուք կապուտա-  
կում, տաքացնում էր իր ուղղաձիգ ճա-  
ռագայթներով Կովկասի լեռնային գառի-  
վայրերը: Այդ ճառագայթները խորը մըտ-  
նում էին գետնի մէջ և կանչում նրա միջից  
բոլոր թմրած ույժերը: Երկինքն էլ տալիս էր  
տաքութեան և աշխարհին իր ամեն մի կտոր  
հողը. մեծ հրաշագործութիւններ էին կա-  
տարվում ամենայն տեղ, ուր միայն կարո-  
ղանում էր իր համար ճանապարհ գտնել հզօր և կենդա-  
նարար ճառագայթը:

Այնտեղ, ուր շատ ժամանակ չէր որ խաղաղ էր և դատարկ, ուր անշարժ թագաւորում էր մահուան խաղաղութիւնը, այժմ կեանք կար. փայլում էին անջատուած կանաչի և թառամած ծաղիկների գեղեցիկ գոյները, թռչում էին և սողում անհամար ու անթիւ զանազանագոյն արարածներ: Գեռ այս բոլոր արարածները չկային աշխարհում. կարելի է նախընթաց օրը շատերը նրանցից պէտք է ոչնչանային մէկ օրից յետոյ, բայցևայնպէս՝ առանց իմանալու երէկուայ և վաղուայ մասին, նրանք բոլորն էլ դողդողալով՝ գուարճանում էին կեանքով, գուարճանում էին արեգակով և զգում էին, որ կեանքն ու արեգակը միանման բաներ են:

Միայն մարդիկ չէին հասկանում այդ. նրանք շատ շոքում էին և թաք էին կենում իրանց տնակներում: Ծոյլ օսերը պառկելով շուաքում ծածկույթի տակ՝ փայտեր էին տաշում աննպատակ, որը շատ տարիներից ի վեր նրանց սիրելի պարապմունքն է կազմում: Մինչև անգամ կանայք, — որոնց վրայ է ընկնում առհասարակ ամենածանր աշխատանքը օս ընտանիքներում՝ ինչպէս տանը, նոյնպէս և դաշտում, — համոզուած լինելով՝ որ իրանց վրայ ոչ ոք չկայ նայող, որովհետև մարդիկ այնպիսի շոքում ոչ մի ժամանակ տեղից չեն շարժվում, հաւաքուել էին երեխաների հետ տնակների — կանանց բաժանմունքների մէջ և խօսում թէ իրանց և թէ հարևանների գործերի մասին: Երեխայքը՝ որոնք վազվզել էին և յոգնել շոքից, քաղցր քնած էին...





Ի այն ամենքին չէր տը-  
 ւած կարողութիւն՝ անձնա-  
 տուր լինելու ծուլութեան  
 ճաճկոյթների տակ: Քարձը՝  
 աուլների վրայ, սարերում,  
 ապառաժների միջի գալար  
 ճանապարհով առաջ էր  
 գնում Բէսսօ Հովիւը՝ քշելով  
 իր առաջից այծերի մի  
 Հօտ. նա սեւաչեայ էր, արե-  
 գակից այրուած մի մանուկ,  
 ուժեղ և աշխույժ երեխայ,  
 այն վտեմ, իրար վրայ ըն-  
 կած սարերի որդին:

Նա ամենափոքրն էր ըն-  
 տանիքում և մեծերը նրան  
 Հրամայեցին՝ առաւօտը շատ  
 վաղ գնալ սարերը և այ-  
 ծեր արածացնել: Չսեղ  
 այս տեսակ Հրամանը,  
 չնայելով որ դեռ նա սըր-  
 տանց կամենում էր ծու-  
 լանալ, բոլորովին անկա-  
 րելի էր. և ինչպէս չսեղ,—

կրճեճէին, դարձեալ դուրս կանէին սարը:

Եւ ահա նա լուացուեց, Հագնուեց, վերցրեց իր Հետ  
 մի տոպրակ քանիմի նոր թխած խմորեղէն, մի կտոր  
 պանիր և գնաց ծանօթ ճանապարհով, բարձրանալով  
 աւելի և աւելի, կուռելով չտճախ իր այծերի Հետ,

Թռչելով անդունդների վրայով, բարձրանալով մէկ-մէկ անգամ գրեթէ ուղիղ բարձրութիւնով: Այն վատ տրամագրութիւնը, որով Բէսսօն գուրս եկաւ տանից, շուտով անցաւ: Նա սիրում էր իր սարերը, նրա համար մի առանձին ուրախութիւն էր Թռչկոտայ և մագլցել. ուրախութիւն էր նրա համար երգել գեղեցիկ երգեր, որոնց մէկ-մէկ անգամ կրկնում էին լեռնային արձագանքները:

Նա չէր զգում յոգնութիւն, չէր զգում և տապ, մանաւանդ այն բարձրութեան վրայ՝ ուրի վրայ նա այժմ բարձրացաւ իր հօտի հետ, աւելի հով էր, քան թէ ցածրում — սարերի ստորոտներում: Պարզ օդը վարթեցնում էր ուրախութիւն: Մէկ-մէկ անգամ այն հեռու գազաթներից, որոնք ոչ մի ժամանակ չէին թողնում իրանց սպիտակ զգեստը, խոնաւ օդ էր փչում:

Բէսսօն ընկաւ գեղեցիկ ճանապարհի վրայ, որը սկսուեց հետզհետէ լայնանալ: Նրա երկու կողմը գտնվում էին գեղեցիկ արօտատեղիք: Այժմ նա ուրախ-ուրախ թռչկոտում էին և ուտում հիւթալի խտոր:

Բայց արդէն մօտենում էր գիշերը: Արեգակը մայրմտաւ. ամեն կողմից երկար շուաքներ էր կազմվում: Բէսսօն քաղցածութիւն զգաց և վճռեց հանգստանալ: Նա նկատեց սրաձայն մի առուակ, որը արագ-արագ վազում էր քարերի մէջից:

Մանուկը նստեց այդ առուակի մօտ, իմեց սրա սառը և պարզ ջրից, լուաց իր երեսը, յետոյ յետ արեց իր տոպրակը, հանեց համեղ խմորեղէնը (գոնէ՞ նրա համար համեղ էր), մի կտոր պանիր, և սկսեց նախաճաշել մեծ ախորժակով, ստէպ-ստէպ խմելով առուակի ջրից:

Երբ որ սա նախաճաշեց և հանգստացաւ, աւելիև ուրախացաւ. երկար նստեց այստեղ: Մի առանձին զուարճութիւնով նայում էր նա իր օտքերի վրայ, որովհետև հագած ունէր նոր՝ հօրից նուիրած կալաբանները — փափուկ ոտնաման, որը կարած էր խաղախորդի կաշուից:

Երկար ժամանակ նա հրճվում էր իր գեղեցիկ կալաբաններով, բայց յետոյ դարձրեց նրանցից աչքերը հեռու — բարձր և սկսեց դիտել իրան պատող սարերի լայն պատկերը:

Գեղեցիկ էր նրա շուրջը. նա կարծում էր, որ ինքը

այժմ մօտ է երկնքին: Ահա, ահա, այն կանաչ գազաթի յետևից, այնտեղ այս րոպէիս երևում է փայլուն, ինչպէս թանկագին ազամանդ, Էլբօրուսի սառուցեալ գազաթը: Բայց չէ որ յայտնի է, որ նա շատ բարձր է և կաշում է համարեա երկնքին:

— Արեմն և երկինքը մօտ է, մտածում էր Բէսսօն: Այ, այնտեղ բարձրանալ լաւ է... — Ինչ կայ այնտեղ:

Ինչ կար այնտեղ՝ նա չգիտէր, բայց կարծում էր, որ այնտեղ շատ լաւ է, աւելի լաւ է քան թէ աուլում... Ո՞վ է բնակվում այն արծաթեայ և ոսկեայ տնակներում, որոնց մէջ բոլոր գիշերը վառվում են փայլուն ճրագներ: Այնտեղ երևի դարաւոր տօն է...

Ահա, ահա վառվում է առաջին տնակում: Այնտեղ միշտ վաղ է վառվում ճրագը՝ հէնց որ մայր է մտնում արեգակը:

Եւ նա նայում էր շարունակ երկնքի մութ կապուտակին և նկատում էր, ինչպէս մէկը միւսի յետևից վառվում էին երկնային ճրագները:

Այն... այնտեղ, այնտեղ, կրկնում էր նա. այնտեղ այժմ խնձուք կայ, այնտեղ երգեր են երգում:

Եւ ուշադրութիւնով ահանջ էր դնում. նա արդէն սկսում էր կարծել, որ ինքը լսում է հեռուից մի գեղեցիկ երգ:

Բայց շուտ էր անցնում ժամանակը՝ մութն ընկնում էր: Բոլորովին մթնացաւ Էլբօրուսի գազաթը: Անխուով խաղաղութիւն էր տիրել սարերում: Միայն մէկ-մէկ անգամ թեթև քամի էր վեր կենում և անցնում գնում ուրիշ տեղեր. միայն կամաց խոխոջում էր աղբիւրը. այծերը խաղաղ քնած էին:

Խորը քնեց և Բէսսօն իր մտքերով երկնային տնակների մասին և նա երազում տեսնում էր մի լաւ բան, կախարդական մէկ բան, որը և պատմել չի կարելի մարդկային խօսքերով:







արթեց Յէսոսն առաւօտը հէնց առաջին ճառագայթի հետ, որը երևում էր սարերի յետևից և տեսաւ, որ այժմերը գնացել են հեռու, հեռու: Նա ուզեց մի ծուռը ճանապարհով գնալ նրանց մօտ: Երկար ժամանակ գնում էր նա և ոչ մի կերպ չէր կարողանում հասնել իր հօտին:

Նա սկսում էր նկատել, որ ընկել է մի բոլորովին անձանօթ տեղ: Լաւ էր ճանաչում նա իր սարերին, բայց այդտեղ իր կեանքում չէր եղած: Ամեն կողմից խոր քարանձաւներ, ահագին ժայռեր, որը կարծէք այս է պէտք է քանդուին և ջարդեն նրան: Իսկ սպիտակ, փայլուն

Ելբօրուսը քանի գնում՝ մօտենում էր...

Մինչև անգամ Յէսոսն զարմացաւ: — Ո՞ր է նա եկել:

Ի՞նչպէս տանել այժմ այժմերը և դտնել տան ճանապարհը:

Նա կանգնեց, նայեց դէտուղէն և ականջ դրեց, բայց շուրջը բոլորը խաղաղ էր: Յետոյ լսուեց մի ինչ որ տարօրինակ ձայն, յետոյ շշնջիւն և սկսեց նրան երեւալ, որ այդ ապառաժները և ժայռերը շշնջում են միմեանց հետ...

Իսկ ի՞նչ բան էր դա: Նա արդէն պարզապէս լսեց մի սուր աղմուկ, յետոյ հառաչանք, մարդկային ծանր հառաչանք... Գարձենոյ մէկ անգամ և դարձեալ...

Այն հառաչանքը լսվում էր հարևան ժայռից: Յէսոսն բարի մանուկ էր: Նա մտածեց, երևի այդ որևէ մի մարդու ոտը սլքուել է, սարի գագաթից ընկել և այժմ հառաչում է: Այս մտքով նա շտապեց դէպի խղճուի ձայնը: Եւ կարծես միորևէ անասելի ոյժ քաշում էր նրան և ցոյց էր տալիս ճանապարհը:



Ահա ժայռի մէջ մի խորը ճեղքուած: Նրա մէջ մուլթն է ինչպէս գիշեր: Նրանից են դալիս տանջող հողու այդ հառաչանքները:

Բէսսօն, երկար չմտածելով, անվախ անցաւ այդ ճեղքուածը, անցաւ մի քանի քայլ այդ խաւարում և լետոյ նա իրան տեսաւ մի լայնատարած բարձր քարայրի մէջտեղը, որը լուսաւորուած էր վերևից:

Բէսսօն կանգ առաւ քարացածի պէս և չէր կարողանում ուշքի գալ ուրախութիւնից: Քարայրի մէջտեղը, ուղիղ անցքի տակ, որից լոյս էր թափանցում նրա մէջ, մի ահագին քարի վրայ ամուր և հաստ շղթաներով կապած էր մի գեղեցիկ երիտասարդ: Յուսահատութիւնն արտայայտվում էր նրա պարզ աչքերում, ոսկիանման գանգուր մաղերն ընկած էին նրա ուժեղ ուսերի վրայ: Նա հակամարդկային ոյժ էր դուրձ դնում, որպէսզի կտրի իր շղթաները, բայց շղթաները խուլ կերպով զորնդում էին և չէին հնազանդվում:

Բէսսօն կանգնած էր լուռ. նա գմայլած նայում էր այդ երիտասարդի վրայ, որի մարմինը տեղ - տեղ ծածկուած էր փրփրադոյն, կարուած ոսկեգոյն շորերի կտորներով. լսում էր նրա հառաչանքները և լացը, որի խուլ ձայնը անցնում էր ամբողջ քարայրով:

Բայց ինչ է դա: Բարձրից՝ անցքի մօտ, որը լուսաւորում էր քարայրը, լուսեցաւ մի տարօրինակ ձայն, կարծես ծանր թևերից լինէր. — մէկ ըոպէ՛ և անցքում երևեցաւ մի ահագին բազէ: Նա ծանր մտաւ քարայրը, իջաւ երիտասարդի կրծքի վրայ և սկսեց ըրել իր ամուր կտուցով նրա փափուկ և քնքոյշ մարմինը: Վաղեց կարմիր արիւնը: Չարջարանքների անտաննելի գոչիւնները տարածվում էին ամբողջ քարայրում:

Բէսսօն չկարողացաւ դիմանալ: Իրան մոռանալով ընկաւ նա բազէի վրայ և սկսեց նրան բաժանել երիտասարդի վիրաւորուած կրծքից: Բազէն թեքեց գլուխը, ապշած նայեց Բէսսօյի վրայ իր չար և խորամանկ աչքերով և յանկարծ վեր քաշելով իր թևերը, բարձրացաւ դէպի վեր և քարայրից դուրս թռաւ:

(Կըշարունակուել)

Կ. ՄԱՐՏԻՐՈՍԵԱՆՅ

## ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

**Կարմիր անձրև:** 1885 թ. Հոկտեմբերի 15-ին Ալպեան հարաւային սարերի զառիվայրի վրայ համարեաձէ անդադար անձրևում էր ամբողջ օրը. առաւօտեան 9 եւ 11 ժամերի միջոցին որոտումի ձայներ էր լսվում, հարեւան լեռների զառիվայրերից բարձրանում էր թանձր մէղ. իսկ 4 եւ 5 ժամերի միջոցին թափվում էր բոլորովին կարմիր անձրև: Այդ միջոցին ամբողջ երկինքը քողարկուած էր ամպերով, օդը կարմրագեղնագոյն էր: Միւս օրը բոլոր չորացած փոսերը կարմրին էին տալիս: Լրագիրների ասուածինով այդ տեսակ կարմիր անձրև միեւնոյն ժամանակ եկել է նաեւ շատ տեղեր՝ միջին եւ վերին Խալիսայում. իսկ միքանի տեղերում էլ անձրևը բոլորովին սպիտակագոյն է եղել:

**Տպագրութեան ապագան:** Ամերիկական տպագրական մեքենաների գործարանատէր յայտնի Գօէն ենթադրում է, որ մօտիկ ապագայում կըսխուռի տպագրուել լուսահան մեքենայով. կըտպեն օրինակի համար լրագրի մի սիւնեակ եւ նրան կարտատպեն երեքտրական լրսի զօրութիւնով, մաքուր թղթի վրայ, միայն շուտշուտ թերթերն առաջ մղելով. այնպէս որ մի րոպէում կարելի կըլինի տպել մօտաւորապէս 100 թերթ:

**Նոր տեսակ անձրևապահ:** Այժմ սկսել են նոր ձևի անձրև-

ապահներ շինել, որոնք ոչձէ կլոր են, այլ երկարաւուն-կլոր— ձուածեւ: Այդ ձեւն այն յարմարութիւնն ունի, որ երկու հոգի իրար հետ միաժամանակ կարող են պահուել անձրևից: Բայց եձէ անձրևապահը դարձնուի քամու հակառակ կողմը, այնժամանակ մէկն ամբողջապէս կըծածկուի:

**Նոր գրեչ:** Նիւրենբերգում Կալիշը մի նոր գրիչ է հնարել, որին կպցրած է մի իւէժային թանաքով լի խողովակ: Գրելու ժամանակ գրիչը թանաքով թրջելու համար հարկաւոր է միայն մի քիչ սղմել խողովակը: Գրա համար վերելից մի փոքրիկ զնդիկ կայ, որի օգնութիւնով կարելի է թանաքը դուրս թափել խողովակից մինչեւ վերջին կամիլը:

**Փայտէ գերք:** Գոպպերստադում (Նորվեգիա) փայտէ եկեղեցի շինելու ժամանակ մի գիրք դրունուեց, որից երեւում էր, որ գիրքը գրուած էր 1300 տարի առաջ: Այդ գիրքը կազմուած էր թեղոյի փայտի բարակ տախտակներից, ծածկուած բարակ, մոմէ իւաւով եւ դրուած բարակ շրջանակի մէջ, այնպէս որ իրար վրայ դարսուած տախտակների մոմեղէն երեսները չէին կպել իրար. երեսների վրայ շատ բարակ կերպով զանազան նկատողութիւններ են գրուած այդ գիւղում պատահած թէ անցքերի եւ թէ գիւղատնտեսութեան մասին:



### ՆԱՄԱԿԱԳՐՈՒԹԻՒՆ ԾԻԾԵՌՆԱԿԻ ՄԻՋՈՅՈՎ

**Մ**նցեալ աշնանը, երբ որ ծիծեռնակները Հաւաքուեցան շուելու գէպի Հարաւ, Բանսեսբուրգում Մելսէր անունով մի կազմարար իր տանը կեցող ծիծեռնակի թւերին իւղած թուղթ կպցրեց, որի վրայ գրած էր. «Մ'իս, ծիծեռնակ, ծիծեռնակ, ո՞րտեղ կանցկացնես դու այս ձմեռ»: Գարնանը ծիծեռնակը վերադարձաւ իր նախկին բունը. նրա թւի վրայ թուղթ կար կապած այս գրութիւնով. «Ֆլորենցիա, Կաստիլարի տանը. ես բերել եմ ինձ Հետ շատ բարև»:

Վ. Արդուժեան

### ՔԱԶՍԱԻՐՏ ՕՐԻՈՐԴՆԵՐ

1879 թ. դեկտեմբերի 5-ին երկու մարդ ճանապարհընկան Սուրբ-Ղաւրեմտիոս գետի վրայով: Օրը շատ ցուրտ էր. Հիւսիսարևելեան սաստիկ քամին փչում էր ուժգին: Նրանք իրանց սահնակը լաստի վրայ դնելով՝ Հասան գետի մէջտեղը. մէկէլ լանկարծ հողմախառն ալիքի մի սաստիկ Հարուած վրայ Հասնելով լաստին՝ տապալեց նրան: Թըշուառներն շտապեցին լաստի՝ ջրից դուրս գտնուած ծայրը բռնել և աշխատում էին լողալով Հասնել գետեզերքին, բայց իզուր եղաւ նրանց ջանքը: Յուրտն այնպէս սաստիկ էր, որ նրանց ոտներն ու ծնկները փետացան և

նրանք արդէն իրանց կորած էին համարում: Միքիչ ժա-  
 մանակ նրանք մնացին այդ սոսկալի դրուժեան մէջ և յե-  
 տոյ սկսեցին օգնութիւն կանչել. նրանց կոկորդները ցաւում  
 էին սաստիկ աղաղակելուց: Ղերջապէս իրանց ոչժը  
 հաւաքելով՝ կրկին օգնութիւն կանչեցին: Այս անգամ  
 նրանց ձայնը լսուեց պարոն Գարլինգի տանը, որ իր ըն-  
 տանիքով գետի ափին էր բնակվում: Այդ պարոնը մահ-  
 ճումը հիւանդ պառկած էր: Միւս տղամարդիկ աշխատում  
 էին դաշտում, որը բաւականին հեռու էր գետից, իսկ  
 տանը միայն մնացել էին տիկին Գարլինգն ու նրա երկու  
 աղջիկը՝ Մէգգին և Ջէսին: Լսելով կործանողների սիրտ  
 պատառող ձայնը, նրանք շտապով դուռը բացին, և տե-  
 սան գետի հոսանքի դէմ կռուող թշուառներին, այն գե-  
 տի, որ թէ իր լայնութիւնով և թէ արագութիւնով գե-  
 րազանցում է Եւրոպայի բոլոր գետերից: Տիկին Գարլինգն  
 ուղեց դաշտում աշխատողներին իմացում տալ վտանգի  
 մասին, բայց նախքան նա իր մտազրուժիւնը կիրագոր-  
 ծէր, քաջ օրիորդներն՝ առանց մի բառ արտասանելու  
 մի մակոյկ գցեցին ջուրն ու սկսեցին բոլոր ոչժով թիա-  
 վարել, ուշադրութիւն չդարձնելով այլիքների և հոգմի  
 վրայ: Յաղթելով ամեն դժուարութեան, նրանք հասան՝  
 համարեա նուազած և ուժասպառ եղած թշուառներին:  
 Տաս ըոպէից յետոյ ազատուածներն իրանց հանդերձներն  
 էին չորացնում և իրանք էլ տաքանում քաջասիրտ օրի-  
 որդների հօր տան կրակարանի առաջ:





### ԱԶԱԿԵՐՏԸ ԲՆԱԳԻՏՈՒԹԵԱՆ ԴԱՍԻՆ

Ուսուցիչ. Ի՞նչ փոփոխութեան են ենթարկվում մարմինները ջերմութիւնից և սառնութիւնից:

Աշակերտ. Մարմինները ջերմութիւնից լայնանում են, իսկ սառնութիւնից սեղմվում:

Ուս. Ասանքի օրինակ:

Աշ. Օրինակ՝ ամառը ջերմութիւնից օրերը երկարում են, իսկ ձմեռը կարճանում:

Ա. Տէր-Եսայիան:

### Հ Ա Ն Ե Լ Ո Ւ Կ Ն Ե Ր

Առաջ. Ա. Սարգարեան.

21) Մեծ քաղաք եմ Եւրոպայում,  
Փռուած սիրուն լճի վերայ.  
Վեր առ մկրատ՝ սուր և փայլուն,  
Կտրի՛ր գլխիցս երկու տառ.  
Եւ կրտսնես ուր չմեռայ,  
Այ ես դարձայ գետ անուանի,  
Յայտնի ամբողջ Ռուսաստանի:  
Իսկ՝ ով գիտէ,  
Ջգրու բան է,  
Բարկանաս և ինձ փորձես  
Եւ իմ մարմնից մի տառ պոկես,  
Ո՞ր ինչ է ինձ ողջ-ողջ սպանես,  
Հատ ի զուր է.  
Քո խելքն ո՞ւր է:  
2Է՞ որ ես էլ այնժամանակ,  
Քո ցանկութեանը Հակառակ,  
Բալորովին կրկենդանանամ  
Ու ամենքիւ մայր կը դառնամ:

ժողովրդական.

22) Թագաւոր մ'ունիմ հնոց,  
Գլխին գրեց ոսկէ սրոց,  
Ելաւ կանչեց ննջեցելոց.  
Քրիստոս յարեաւ 'ի մեռելոց:

ՕՂԱԿԱՆԱԳ



Այս երեք օղակները տեղաւորել միմեանց մէջ այսպէս՝

1) Ար օղակների թուանշանները փոխադարձաբար ընկնեն մէկը միւսի հանդէպ և իրանցից կազմեն սիւնեակներ:

2) Գտնել օղակների մի այնպիսի գրութիւն՝ վերաբերեալ մէկը միւսին, որ իւրաքանչիւր սիւնեակի թուանշաններից ստացած զումարներն այնպիսի թուանշաններ տան, որոնք նշանակեն հայերէն տարբենարանի մէջ տառերի բունած տեղերը (ի տառը՝ պիտի ընդունել 11, 1-12, 10-13 և այլն):



Գումարների տեղ դնելով համապատասխանող տառերը, մենք կրտանանք արտաքին օղակի շուրջը զրաժ հայարդի նշանաւոր գրողներից մէկի ազգանունը, որը բաղկացած է 16 տառից:



Այլ ուժ ազգանունն է և մեծ օղակը որ թուանշանի զիմացը պիտի ընկնեն միւս երկու օղակների թուանշանները, որոնք նշանակուած են a և b տառերով:

ՆԱԽՆԹԱՅ Ա՛-Ի ՄԷՁ ԵՂԱԾ ՀԱՆՆԵՂՈՒԿՆԵՐԻ ԲԱՑԱՏՐՈՒԹԻՒՆԸ. 17) Անադ, նորս, արօր, դարի, 19) ծառ, 20) վառարան, բեբո՛ւ՛՛ Սարգարաբաղ:

Խմբագիր-հրատարակիչ՝ ՏԻԳՐԱՆ ՆԱԶԱՐԵԱՆՑ

Дозволено цензурою. Тифлисъ, 2 Апрелья 1886 г.  
Типографія И. Мартиросіанца, на Орб. ул., д. № 1 и 2